

山陽縣志

(三)

陽縣初志

卷之三

山陽縣初志卷之三

大總裁知西安府事奉天蓋平十永寧芝亭父 鑒定

知山陽縣事江右潯陽秦凝奎武若氏 纂輯

山陽縣貢生李曰棟東木氏

江南職監生梁 淳淵度氏 同校訂

山陽縣生員苟 升敦若氏

田 銘日盤氏

李春瑞象白氏

甯士宗大儒氏 等採集

名宦

宦蹟附

宋均爲江州守閣雷清風陶淵明狄仁傑爲彭澤令香傳悉祀又如

帝京名宦則張堪守滎陽麥穗兩岐狄仁傑亦令昌平移文虎伏高賢過化之地往往聲施不朽陽邑雖肇自明成化間然以西秦勝地屬列商於豈無賢令尹接踵其間矧澤宮配祀芳名可考而宦蹟因之肇稱殷禮以秩元祀可勿講歟

明趙信山西平陽人成化丁酉以藍田令調任山陽雖未

週年而閱歷險阻收拾獷悍遺大投艱不少自卹士民懷
去後之思當道旌經始之操准入各宦以風吏治

楊隆北直大名府人成化戊戌繼趙信任時百廢未舉新
集之衆頗難調度以法繩之則鳥驚獸駭譁然而起公撫
之以寬施之以息然後講義禮明王法正名定分期年上
下交孚公曰民可用也舉城池衙署察院文廟儒學城隍
廟以次肇舉諸工告竣又鑄鍾起樓百廢具興百姓子來
趨事雖勞不怨足見公仁政入人之深不然新集之衆何
能懽忻鼓舞不愛其力有如此後慕其遺愛請入闕宮馨

祀之

皇清趙廷臣遼東鐵嶺人順治二年任宦蹟詳公呈

山陽縣貢生劉緒岱儒學合學生員陳獻廷等呈爲公舉
開國名臣懇息申請配享以表賢能以礪風教事切惟奠
土安民人臣事君之職業表賢旌義朝廷風世之機權况
乎肇造伊始戡定功在萬年撫字方新循良績垂百世芳
型難泯遺愛不忘倘非公舉崇祀配享名宦則三代之直
道何存如原任本縣知縣歷陞浙閩總督趙公諱廷臣於
順治二年六月內歷任山陽性秉忠清操持梗介流離未

定悉心區畫名條殘破無餘百法圖籌收拾流移漸復荒
蕪漸開丈地科糧瘡夷得起山陽蕞爾殘疆所以能有今
日者非我公堅忍之心力與開創之才能烏能至此耶若
其嚴守孤城力禦數萬之逆寇運籌方略招降久叛之渠
魁賊脇鄰封策還寅工官印寇圍小雉義激士女奮揚及
寇亂甫平行旅多憂露處我公畫茆霄緬道路永歌功德
比凶荒鴻至老弱甚慮溝填我公賑貧飭備窮之幸免飢
寒慈衆惠民無異蜀川廉范清刑絕羨何殊潞潁龔黃且
也敬老哀癯鋤強扶弱建庵鑄像禮士恤刑剛柔有兼濟

之才威德有並施之用口碑載道足深棠樹之思德惠沁
人可灑峴山之淚培養雖未三載仁恩已足千秋大業豐
功在當日輝煌耳目深仁厚澤於今朝銘勒心思覩茲閭
井田疇何處非公疆里對此戚朋家室何人非公拊摩似
此名賢何俟蓋棺而始爲表績想其大德雖歷年久而猶
必揚休歆想象以慰我之文老子弟當永祀而瞻公于几
筵筮鏞者也若不呈請旌揚崇祀名宦何以愜人心之思
慕而勸天下之爲人臣者乎懇祈據情轉申勅祀名宦使
宮墻增色俎豆生光庶可昭功德于不朽而合邑之人心

得以洽愜矣 一山陽四經兵火民多流移田地盡荒公到任後開誠布諭民皆感服來歸結茆復業次年丈地科糧以輸國稞 一公徵收錢糧花戶納銀每兩多有二三分者公拆封後即召本人至悉退給之 一公於順治四年秋禾不登民飢遠地就食公捐俸設處多金在商州糴米糧運縣賑濟民賴以生 一邑中有年老者某某輩極貧者某某輩彼時尚未額設孤貧口糧公於每年四季皆有賑濟 一本縣北通商州一百二十里南至豐陽關一百三十里途間房屋俱爲賊毀行人苦於露宿公於大路

中各蓋草屋數間以便行旅栖止 一逆賊劉二虎寇城
陡至數萬騎公聯結民心固守孤城晝夜不寐保守無事
一清兵追賊至縣公卽辦犒資供兵回時賊伏草莽以
剽劫中公右腿公重傷不能動履本快手陳顯耀負公從
山後回縣仍理城守不敢懈弛 一順治三年間宋李唐
三賊各六七百人先後至縣每賊至公登城卽招其頭目
來城下涕泣諭以大義令其投降賊俱服其忠誠皆雉髮
往省受降又有卽賊王二王三引賊衆數千來攻山陽公
聯絡士民固守城池賊見嚴備跽三日遁去 一鎮安王

希榮踞寨久叛兵力強盛上司委公招安公單騎至寨中
盟誓勸諭遂降詣省受職 一王希榮負固時將鎮安劉
公奪印脅從執於寨中者年餘公招希榮受降遂將劉公
請至山陽并印付回

東木李氏曰公青年偉軀精騎射有膽畧剔姦鋤暴革
弊除害寬以濟猛人不苦苛聽斷公明裁耗免羨培儒
生撫遺子無所不周公又天性仁孝太夫人雙瞽遠在
遼左公日夜泣思次年迎養每晨起必舌舐其目飲食
親奉不假乎於小君夏月檢點尤謹輕刑薄賦一遵母

命所以政尚仁厚視民如子無異雋氏母子也且公於
順治初年奉文清丈田畝以民新出湯火用六尺弓丈
之萬人戶祝後人有災以不足五尺弓者增糧六百餘
兩民愈思趙公有專祠後增阮公振益各二公祠今奉
六公配享文昌帝君各六公閣趙公廷臣位列西班之
首見壇廟

選舉

進舉

貢監

賓介

耆民

生員

吏員 月旦附

淡墨流香紫泥煥彩食苹之子聞其好音如在天上然
齊賢下第何代無之一榜盡賜曾幾見聞若夫鷹揚之
榮全於鸚荐麒麟之宴不異瓊林國雍拔秀何殊學博
明經千戈羽籥均稱博士茂才耆民齒德同於士類賓
筵他如蕭曹掾吏可以將相朝廷選舉固不拘此一途
也

進士 無考

舉人 史正

嘉靖隆慶年間

科中式見王鶴毓秀門

記

白受采萬曆三年丙子科中式

武舉

明無考

大

清中數名如朱銘戊午科李發秀李大佐甲子科張登第

杜子儒丁卯科皆寄籍土著僅有何士武一名見南

庵屋標

貢生恩拔錯見必註明不註者歲貢也

明 張維參官知縣

崔巍官縣丞

王聘嘉靖癸酉貢官知縣以循良陞南陽府同知食
正四品俸亦授衛輝府同知見后土廟

杜鸞官評事

田文卿

魏克正官景州吏目

南祚官教授

董師

劉廷璋字一川選貢官山西汾西縣知縣

山陽縣志 卷三
盧雲官靈丘教授

施宗傳字可山官鳳陽府判

何汝梧官縣丞

張繼參官中江知縣

王教官京衛經歷

何潮字竹溪官山東齊河縣縣丞

趙文奎官汶上知縣以上係嘉隆間貢年次不能詳

張元愷字乘陽官至山東東昌府教授

商麓南官保安縣學

何汝楫

陳其情

趙鉞官山西解州訓導

李遇春

南宮字懷竹祚子官岐山縣教諭

張繼恩

肅登高字芝峰官山西高平縣主簿

韓楊

薛善士字一吾官岐山縣訓導

郝重光

許國直字心葵官至鳳翔府教授

施宗魯

王邦敷字澤宇恩貢官河南柘城知縣

王一真

田家裕字豐吾官狄道縣訓導

劉廷琚

王重顯字達字官莊浪衛訓導

任宗顏

旧代耕字綸穀家裕子選貢未仕

趙璧

劉邦太以上萬曆年間出身年次亦不詳

董自詔字金門透授七品服

吉鳴鵬字圖南未仕

董自講字會吾官福建福清縣訓導自詔弟

南乾壽字復陽官子官洛川縣訓導署安塞縣印以
上天啟年間年次亦未詳

何薦寄字際明崇禎元年選貢官大名府長垣縣縣

山陽縣志 卷三
丞陞四川涪州州判

劉必達字非聞號上林廷瓊曾孫崇禎十三年貢官
山西汾陽縣知縣城陷殉難崇祀鄉賢入陝西通志
詳鄉賢

董重賈字邠南崇禎十五年貢官膚施縣訓

大清順治年分

劉相君字翼元九年貢未仕

武震方字九清十一年恩貢官江南滁州判官

許雲鵬字羽修國直徑十三年貢官延長縣訓導詳

月旦

王從藎字泰交十五年貢未仕詳月旦

康熙年分

劉緒岱字宗岳必達子三年貢未仕詳月旦

陳猷廷字遇奇十一年貢未仕

李接桂字三華十六年恩貢考授縣丞未仕

李日棟字東木二十年貢候選訓導

馮光彩字粹然二十九貢候選訓導

監生

明 王鳴桂字紫元聘子官順天香河縣縣丞

劉起鳳

年間

盧瑞

李壹

劉瑄

劉廣

苟京以上五人俱正德年間

韓鑑

弘治年間

于翊

嘉靖十年間

程應奎

年間

何汝梧

隆慶年間

大賓

康熙年分

劉緒岱十一年

介賓

明無考

大清初無考

康熙年分

許振新字功運二十四年 武嚴字有嚴三十三年

苟升字敦若二十七年

閆繼孔字時敏二十九年

耆民

明 魏朝臣

康景春

王才

康羨

張招

劉寬

姚振

王章

張彥美

苟堂

南虔成化年間

楊繼遠

郭大通

大清順治年間

李微川

崔文化

溫繼秀

杜江海

王雨

樊桂龍

申汝益

王從孝

王昌印

甯光武

張于升

康熙年分

王從誨二十二年

柳春榮二十二年

毛克西二十四年

王三鼎二十四年

喬之禎二十七年

李尚福二十七年

陳瑾瑜

常處樂

王印

張文開俱二十六年

劉應槐二十九年

康自英二十九年

文生員

劉興漢三十二年
安允可

大清初入學無定額康熙初奉部文定天下學分上中下三

等山陽下學也每考取八人充附然外縣寄學者多科歲
考優補廩額二十名二年一貢寄學掣補更多康熙十九
年奉部文寄學撥還原籍所遺空缺至今尚未補足缺廩
銀解司充餉其考優而次者補增亦額二十名

廩膳

蔡光祚

田 銘

許先榮

尉承選

甯士宗

陳瑾璋

楊 萃

李生榮

餘廩俱外州縣籍

增廣

樊希聖

李春瑞

南鐘秀

田宗齊

劉自潔

張元美

餘增俱外州縣籍

附學

李俊彥

陳天經

武嚴

康弘義

毛呈祥

李臺

李廷柱

周士貴

劉世昌

甯奇節

甯士表

喬之祥

武奇

張維紀

朱嘉昇

郭永祥

何耀祥

嚴顒

劉興漢

毛蓋

馮之祥

張維綱

王璽

王允治

崔汝器

田禹甸

柳朝棟

康弘仁

甯士觀

王國憲

田宗周

甯士楨

張書紳

何士元

王之楨
肅二極

劉建博
賈崇德

餘係外州縣籍

武生員

明崇禎末流寇蜂起討平惟艱江南淮安武舉陳其心上

山陽縣志 卷三 十四
言國家承平日久重文輕武是以兵威不振今宜文武並
重令學臣每考取武童入庠爲武生額數準文童逢武闈
以武生入場不用白衣朝廷可其奏擢其心兵科給事中
自是學官始有武生

大清仍其舊由學道併考科歲只一試亦取八名入庠

武生

劉觀

郭藩

王錫鼎

王之彪

何傳

何普

周志禎

王廉士

喬希孔

寧奇秀

李統

毛文暉

羅

繡

王克目
石揚英

李文簡

餘係外州縣籍

樂舞生舊惟山東孔廟有之康熙年奉禮部文各郡邑皆設樂舞生丁祭用雅樂學使者屢催未能諳習今山陽學選補八名報前任文宗高批允准供祀事頒雅樂志一本到縣發學令製器肄習

李曰棟曰陽邑雖小而山明水秀風俗淳朴宜乎科第繼踵而曰受采之後至今百一十有七年繼起無人何哉或曰文筆山低小不現風氣所圍也余曰不然地靈

而人回傑人傑則地亦靈取大物者恃我之真文筆奚
取乎地之假文筆也如蘇斷髮文身之俗太伯化之變
爲衣冠文物之邦迄今人文甲天下粵人舊不知學昌
黎公命進士趙德爲之師自是潮士皆篤於文行柳州
僻處西南徵不識文章爲何事柳子厚教以作文之法
文運勃然興焉風氣豈能囿人哉士之成名大抵遇長
民者倡道而振作之加以父兄之督責師友之切磋而
立志堅操功勤風氣不必問也今者江右秦父臺以理
學名儒詞壇宗匠來尹茲土撫字之餘日進諸生出帳

中之秘而教之更擇署後近地建置文昌帝君閣以爲
講學之地吾同學輩幸勿僅以秦父臺爲地靈起見而
能埋頭雞窻焚繼刮磨如古之不窺園長閉戶者則羽
毛豐滿而鵬搏九萬自然之理也爲之父兄師友者更
當重爲警策不然荒耽遊戲委靡怠惰憤悻無聞啟發
多荒雖並進諸君子于名區勝地亦無能爲矣多士勉
乎哉

吏員

明 徐 玄

張 進

樊 名

李寔

李愛

費增仁

郭朝

王聰

俱正德初年考職

大清康熙年分

安允吉考授正九品在籍候選

田耕治考授雜職

南星輝考授雜職

王元士考授正八品

月旦姓名俱見本選舉項下

大清許雲鵬字羽修潛心經書理旨明透家貧舌耕惟以造

就人才為事初不屑屑束修較量錙銖也商州山陽兩

地及門甚衆其爲人方正而和平不妄交遊自諸生以
至明經從無比匪之失秉鐸延長邑遭兵燹士子散處
深山衣食不給不忍屈其節數懇求致仕縣尹高其行
捐俸以資其歸

王從蓋字泰交家素豐裕能奮志儒業所以人庠後卽
食廩餼爲人好客不立崖岸交者如飲醇醪晚年尚義
親友宗族沐餘潤者極多出貢後未仕而卒里人惜之
劉緒岱字宗岳學問該博文章醇正詩及古文詞皆有
家素屢考優等入戰棘圍不捷遂留意麴藥以淘硯壘

晚以明經出身未仕卒

江寧梁淳曰山陽風裕淳厚士行端方奔競請托之弊
全爲烏有余與諸君子交遊非淺悃慤皆知商於六百
里在昔功利之餘習磨盪且盡矣然而人惟言散抵掌
服習者獨商洛李君爲稔且久李君諱曰棟字東木爲
人高爽平易動必由禮而絕不以城府拘人讀其文詞
典而雅質而腴皆沐浴于左國班馬諸史傳儼然有駕
出唐宋大家之意余每聆其謦咳奉爲珠玉夫固已樹
幟商於而備西秦之選鋒矣且悉知其人文行並茂歷

世濟美盃其家學淵源而非撫拾陳編襲取斯道者可
同年語耳余不解藏善輒思逢人說項而尚未逞也始
附識於月旦人物之篇末焉

日陽集

卷三

三

鄉賢行實附

徐孺子風高南州陶弘景領袖江左宇宙人物何地獲
有况西秦名冠諸邦陽邑山川繡錯菁英岳降俎豆閔
宮磬祀無窮傳之百世在後子姓雲仍俊見慨聞共相
對越其與當世之生有榮名而歿則已焉者不且相爲
卬伯乎哉敬勤之以爲礪世之一助

晉宋元入鄉賢者傳有杜公顏公二位杜公諱預字元凱
博學號杜武庫自謂有左傳癖註左傳集解顏公逸其
名縣久廢而復覺宮全無可考

大清順治初年

劉必達字非聞號上林明崇禎庚辰廷試特用投山西汾陽縣知縣一塵不染紳給軍民頌清風如一口闕逆抵汾仗義不降投井中賊兵尾至自井引出縛繫太原公陰通京口書信賊探得怒殺之後郡邑紳士景其高節公誦縣府道院入祀文廟鄉賢祠蒙膏學道楊此本宦忠孝成性慈惠存心懿行允著於鄉評大節克彰於史冊該府縣既確查無異准迎主入祀用光俎豆此繳又巡撫雷批家貧能孝國亂盡忠明之季世能有幾人劉

必達如議列名鄉賢用風千古仍俟督按彙題繳

錄鄉賢錄序

鄉以賢名則賢不朽乎其鄉而鄉且因賢

者以不朽也何不朽乎爾曰以祀人就木矣月且其生平而俎豆之汗青所垂矣以加焉昔賢之崇祀不一轍或祀以功德在民或祀以死衛社稷或祀以節孝以學行先王恥名浮於寔也統之曰賢嗚呼叨一命之榮功在家國不獲請諸朝而邀謚鄉賢之祀其不可以已夫子讀山陽劉公實錄掩卷嘆曰死生大矣哉可不勵哉人皆有一死死有重於泰山者有輕於鴻毛者公之審此熟矣公懿行不

其論當宰汾陽時流氛孔棘烽火競傳都下弥月及城陷
被執竟不屈貞矣暗馳蠟丸代勤王檄可不謂忠乎事洩
遇害臨難無懼色非烈丈夫烏能慷慨若此耶曰貞曰忠
曰烈謚公以三者誰曰不可且以三者之謚祀於汾又誰
曰不可予知公不但朽於鄉且不朽於國公子緒岱業
已屬文錄之岱爲予蒞商時首拔士初不謀而卽決其學
有本源辛卯七月緒岱將入關以公鄉賢錄求序益信仁
人有後矣至若求公骸於千里外滴血哀衆屍中得之是
又天之以奇孝報奇忠云順治八年七月二十三日商山

使者中鄉菊谿許宸題

錄墓志銘庚辰歲余忝詞垣有辟雍之役識汾陽劉令君
非聞氏於明經廷試時手試牘大奇之惜阨於數僅及博
士選伏遇崇禎特詔明經與甲榜同科令君與家弟與焉
殊典也令君尋以逆變盡節每言念痛心罔諉於懷家弟
以秉憲巴蜀旋里取道豐陽其震君緒岱衰經杖且以志
銘轉懇曰煩先容之不孝先君子得出太史先生門將藉
寵靈一言爲先子壽亾錄家弟諾將介紹持萬夫樊司李
狀至萬夫與令君同盟習令君狀按狀劉君必達字非聞

號上林其先西安之咸寧人也明成化間諱文者遷豐陽
遂占籍焉文生平平爲邑庠生平生海江河漢海亦庠生
生汾西令廷璋字一川卽令君曾祖一川生起鳳起蛟鳳
以廩監仕晉府典寶蛟字滄溟亦庠生生濂芳字景一亦
庠生三舉行優卽令之嚴君也配南碩人生令君秀頴靈
異當五齡知書已高眎雅步不與凡流伍甫舞勺日成誦
數千言十六爲博士弟子員旋食廩餼挾藻攄詞龍翔虎
躍孝友敦睦本於性每給月餼悉奉春衣甘旨且分以濟
至戚乏衣食者居鄉黨以禮讓礪俗雖童子皆佩君行誼

丁卯秋景一公病劇徐邑僕促君赴省闈甚力君以待藥
餌不赴秋仲景一公逝令君躡踊致毀雞骨支狀徐侯重
其篤孝式間吊唁慰慰數數衣衾茹素者三年親諷釋氏
經呪以祈普渡明年耿邑令徵西席竟峻謝不往耿嗔怒
亦不恤有族侄貧不能業帖括者則割祖業以資篝燈有
移楚不謀朝夕者招歸分田姊家時窘贍貽無倦姑氏旣
寡且獨迎於家數十年如一日焉嘗詣鄉有晉客遺金君
寓旋卽招付客各半言酌夷然不屑也癸酉冬大寇突至
負母避南山峪賊騎數千遮其前劄刃逼母膚君環哭支

刃以身蔽焉賊驚異之群口極稱其孝解去乙亥重陽甲
夜又值寇襲邑城君負母逃急不遑縋騰身墜池隍中僅
不死丙子歲凶蕭然一室瓶粟僅數斗君舂米奉母自惟
屑榆啜蕨而已冬孟寇又至扶母避翠屏山絕粒三日君
夜奔百二十里入商州急負米歸母幾餓死得米遂生寇
追母病悸半武不能躬負抵商於陳郡筮賢主人得君西
賓館焉有懷暮金者卽正顏揮之不顧丁丑春仲慈人卒
君致毀柩所幾至滅性卽解館理襯歸葬豐陽舊阡閱月
而執契爭延館之門墻桃李濟濟焉巳卯貢於鄉庚辰廷

試業就博士予得一識芝眉荆璞弗售竊慨之然仁孝格
天忽逢特用之旨典繼關門榮均及第辛巳授汾陽今天
汾宗民雜囂不易爲理甫按治一片慈和萬分清介旬月
聞父老盈躋公堂捧香祝曰自有汾人未見如此父母如
革耗羨平物價裁冗役薄屋稅獎節孝鋤豪右開黷宮後
址訂社諫兩庠士政事文學絃歌稱化又如祀蝗出境禱
霖澍楚絕軍去籍粟豆折解飭備賑饑施劑活衆諸善政
詳不悉著真可於古循良中求之任三月彼汾一方式歌
且舞若張中丞陳直指交冠荐牘竚俟擢於內忽逆寇東

渡令君備極守禦之方賊薄汾境冀南使者倚君爲鎖鑰
奈變生內應君遂爲賊所執繫于太原不卽死者以蠟書
之報未行耳不意尺魚被劫立憐兇刃時甲申二月十四
日也其令子岱以賊驚奔散始至汾時驟聞訃急走太原
潛訪令君遺骸聞已被好德者將同時被害諸公同瘞一
坑矣時搜織令子甚急幾陷網中內視鮮兄弟外無期功
強近縱死父骨其誰覓以歸土因吮血迹歸山陽至乙酉
六月令子入晉每夜焚香禱天告神祈卽見父骸抵太原
未敢擅啟義塚陳情張憲使馬中丞檄允啟認於閏六月

二十一日辰刻掘塚每捧一骸子岱刺指滴血至日晡坑
骨滴盡無一血入者子岱徬徨泣裂觀者如堵莫不失淚
忽來一里老欵歔云迤西關聖祠後置一棺墨字顯其際
盍驗之岱馳視其字所書面髮身色宛然逼真急啟棺肌
肉已化無可辯認仍刺血三滴而三入之從觀者涕而訝
曰孝矣是矣子岱慟絕復甦製衣衾更棺而歛廣柳車中
聞諸臺憲郡邑皆解贖給符於本月二十四日發自太原
仲秋十一日至山陽邑人士以令君烈忠純孝不可抑沒
請表揚公議投牒於趙邑侯卽移請學使者并各部院檄

下入祀鄉賢仍候題卹吁嗟痛哉令君生于萬曆甲午年
十二月初二日戌時終于崇禎甲申年二月十四日申時
得壽五十有一配許氏鳳翔教授心葵季女男一緒佔邑
廩生余目為國器者娶庠生苟延我女側劉氏商處士女
孫男二鍾卜鍾汾汾今生員劉觀苟氏出孫女二長苟氏出次劉
氏出俱幼卜於今

皇清順治五年歲戊子冬十月二十九日庚申葬君于東郊
舊阡余以年誼憐令君之才未及大展真國家可惜人故
次其狀而志之系之以銘 銘曰可誕竺陵秀漱豐溫良

慈孝性爲鍾潘江陸海盡羅胸雖荐明經天養隆特詔題
名躬與逢西河綰符噓仁風汾流溢惠卜崇功疊紀皂囊
聞帝聰一旦賊騎擁汾封變生內逆而執公蠟書猶與長
安通忽爲刼之立慘鋒身就戮兮孝且忠凜凜生氣貫霓
虹顛沛猶獲視以從詎非忠孝格蒼穹忠魂夜顧鬼邪忬
父老告之天鑒窮廣柳之車歸幽宮豐陽舊阡土脉融宮
墻俎豆禮祀崇百千襖兮拷鼓鏞有子若孫擬璜琮煌煌
卹典賁秋松 賜進士翰林院編修經筵官韓城解胤樾

撰

錄吊忠烈詩 吁嗟乎劉公之豪吾不知其誰爲擬浩氣
橫飛拍天起節義仍歸關以西鬚眉不忝真男子憶昔賊
蟠汾水涓求死不得守空厓銀鑄直繫晉陽道蠟書猶報
長安知不良人執塞公口我自盡忠任爾爲奮身就戮竟
已矣稜稜俠骨今古奇君不見鰲足砍折傾天闕日月下
墮蛟龍窟長夜漫漫燐火紅山精水怪爭出沒小儒膽裂
心且焚奔走驅役迷妖氛虎目誤爲雙聖火蟒氣猶疑五
色雲豈知王界真人下重懸烏兔光中夏忠魂義魄盡宣
揚無骨之虫將安赦吁嗟我公真人豪英風激射鼓洪濤

官墻俎豆方森烈千秋憑吊稱吾曹千秋憑吊稱吾曹
碑不朽棠陰高汾陽朱之俊字滄起任侍講撰

錄趙廷臣題鄉賢聯 孝義原於天成憶昔經明膠序行
著家那媿鶚荐長河汾子臣之廣譽令聞直可炳國書而
昭百世忠貞本自性篤看今節建先朝烈彰昭代輝官墻
光俎豆君父之隆恩偉典豈不備血食而且千秋

山陽縣志

卷三

三

風俗 冠婚喪祭附

唐風儉鄭風潘十五國之風貞潘奢儉難述詩人之美
刺故先王以五方土地風氣異宜令太史採風而獻良
有以也然傳謂太平之人仁丹穴之人智太蒙之人信
空同之人武又曰堅土之人剛弱土之人柔墟土之人
大沙土之人細息土之人美耗土之人醜其說信與

關中周畿內地也自公劉后穆世以農事開國其俗重本
抑末秦雖虐用其民使之勇公戰怯私鬪究未嘗不以盡
地力爲重由漢以至於今猶有先王之遺風焉當日二南

之化先及江漢山陽在江漢之內去王畿不過四百餘里
尚耕桑輕末作今與古無大殊以故山林自然之利悉任
外客牟之不思周雖重農農務畢亦曾牽車牛遠服賈乎
何以偷安自棄一任他人囑取爲也然而其心徑直其風
純樸其俗儉約卽不免有質弊得野忠弊得鬼之失幸無
大奸大慝與夫採煉撇拐遊方星卜堪輿之輩頗有古先
醇龐之氣焉僕見是邑諸生率皆負耒耜服勞田間若公
門吏胥於常川之暇輒事耕作又不足訝但是

鬲葦以來鄰境之民有墾荒占籍者有頂糧入版者有招

親替戶者五方雜處未免狡詐相因或捏詞興訟染我編
民混沌之竅恐爲此輩所鑿當日虞芮墳成之風不能長
留畫地爲獄之象難以久見長民者於此厥有道焉

衣服 布棉自安素封之家不過冬一裘夏一葛其餘麻
鞋布巾自足千古羅綺錦繡之奢靡不知也晏子之一狐
裘三十年差堪彷彿

飲食 菽粟爲重謙會之時不過有數噐酒數巡而已或
亦有豪飲者相聚濁酒酌答人各數十斗然席中清虛盤
飧狼籍之風則未之見卽逢大賓嘉會而山珍海錯之侈

肆無右也庾杲之一飯十八種庶幾頡頏

宮室 築土營墻不用木石外圍內壁無殊官衙私院相若蓋蔽多以茆草卽用瓦甍僅有承流而無覆縫然秦俗大都如此彼或曰茆茨土墼古帝王之遺風與

李曰棟曰棟嘗讀史每見五侯四貴等窮奢極欲轉瞬而輒烟消冰釋乃知先王之教首勤儉誠至善也山陽俗尚儉樸卽服食宮室而類推之其百凡器具婚姻喪葬胥可知也使再本末兼務以勤自勗足以保守足以擴大矣而儉之一字原屬美德一

冠 三加之禮前代久廢然祖父時猶擇吉設酒筵請親友爲之重其禮加冠祝於宗祠拜見父兄三加雖廢而古意猶未澆也今則數週歲之赤子方離懷中已戴成人冠矣試上時已冠未冠何由分焉倣古意重元首當於十五歲後行成人之禮加冠十五以前則冠童子冠當事司儀制者宜請於

朝舉行之然此爲各省會言之非止山陽一區也

婚 古禮有六明太祖以太煩宜士夫不宜庶民定爲二一定親禮一娶親禮幣帛貴賤有定分久而隨人增減今

山陽婚嫁女家許允男家或係紳士請二千衿作伐擇吉
衣冠往拜女之先祖及女之父母女家待酒終無改易婚
啟庚帖焚如也庶民亦請二親友携盃酒往女家酌酒賦
酢拜女父遇元旦清明端陽七夕重九隨便送時物菓肉
名追節如親母往則爲女具拜禮如簪釵巾帕任便定禮
俗名頭成禮或一馬一騾鄉民或一牛禮銀或十二兩至
六兩不等臨娶則具銀冠釵簪珥色紬梭棉布等多寡無
定先一日賞迎禮有迎衣蓋頭及米麵酒肉次日鼓吹導
彩旗彩燈新郎乘馬次之次二少婦各娶女客次彩轎親

迎之至女家婿先拜女之祖考次拜女父母酒三巡爲婿
披紅簪花轎前行女家亦請二送女客並母氏姆媾嫂姊
等隨轎送其妝奩亦隨行至婿門婿下馬女下轎婿導女
入門拜天地畢入閣合卺是日設筵席待送女新客及賀
客安席畢新人盛妝隨新郎至席前面上立先拜業師次
拜柯人次拜諸親最後拜父兄皆具拜禮次日新郎回門
謝親三朝婿家請食試刀麵女家送飯岳母引女拜祖考
次拜公姑獻執禮枕頂及男女履襪次拜伯叔兄嫂各有
枕履分大小拜畢去上衣入厨取趕就之麵葉切數刀入

室婦婚後生子然後加冠山陽之婚禮大槩如此然亦惟大家行之

喪 喪禮近多失古親歿孝子披髮赤足腰絰散垂哭不止客吊則於帷內哭叩不拜夜則柩左寢苦枕塊第四日行成服禮先哭出帳連叩四頭結髮戴麻冠着斬衰腰絰絞其垂手執杖足躡草履安魂魄位豎旌設奠哭而四拜始在帷外哭答吊客先不拜叩首後拜今者親歿孝子多卽著衣束絞絰帷外答吊兩拜一稽首甚有不舉哀者廢成服禮其葬期或三日五日則云三朝一七不論凶吉或

停至十年二十年則云年月地利不就夫人子不奉天親
捐館終天之恨惟有柩之可依柩在卽親在也禮宜三年
服滿而後葬若循春秋之義天子七月同軌至諸侯五月
同盟至大夫三月同位至士庶二月外媼至如此情禮亦
稍伸不爲急遽且我

朝以孝治天下定例仕宦人民槩不許停柩三年之久則過
于擇年擇地拋親骸而不葬者更于

清律嗟乎子之待父母如此則伯叔兄弟之簡期功總麻
之違制更可知矣查山陽弊亦類此故切言之

祭 人子當親柩在家奠而不祭以生人之禮事之也既
葬乃行祭禮事死之道也古者一週歲有小祥祭再朞有
大祥祭二十七月有禫祭三年又有吉祭以後遇元旦中
元十月一日冬至皆有祭寒食有墓祭此外忌辰有祭生
辰亦有祭今山陽寒食上墳人人皆然元旦亦家家設主
爲祭其餘但以一陌帑錢望祭戶外而已至新元祭祖一
事最爲可取蓋一族共設一祖圖或繪男女形或畫神主
牌男左女右位次依輩數其供奉挨門房輪轉元旦日懸
中庭設祭品合族老幼畢至不到者有罰先尊後卑依序

奠酒禮拜化楮幣訖衆乃跪拜生者節其尊者立受之輩輩依次受卑者拜拜畢醉飲而散名爲拜神子君子謂此事有三善焉敬祖考有木本水源之思睦宗族有聯疎爲戚之義明尊卑無少凌長卑犯尊之嫌周道親親此其遺風云又陽邑追祭重週年有自一週年至十週年者品物分貧富不等亦未免多費且演戲一舉更同戲局余欲約其禮以三週年爲止然其情屬親親且近追祭之古禮故未忍促言之

節孝 孝行 義士 節婦 勇士

漢王陽行九折坂臨淵履薄王尊則叱馭而驅之人謂
王陽孝子王尊忠臣品題允爲公評後漢徐庶從先主
曹公獲其母庶指其心曰本欲共圖大業有方寸地耳
今失老母方寸亂矣無益於事遂辭先主詣曹人信庶
爲孝子余曰披肝直陳不少回護忠孝兩盡矣他如聞
雷泣墓截髮割耳孝子節婦千載後猶嘖嘖人口而義
勇大節掀天揭地更丈夫之高行安可不並爲表彰之
孝子 荀復字元煦與父日躋俱山陽庠生父子居西九

甲竹凹村因縣被賊破遷商州崇禎癸未商城破日躋被
戮復年未滿二旬覓父屍掩埋棺甫及壙忽有賊數十騎
繼至送喪及挽輜者齊奔北山復獨守柩痛哭一騎馳至
問曰此柩汝何人也曰吾父又問何不逃曰不忍偷生而
逃暴露吾父於荒野寧與父同死一處賊義之曰孝子也
速呼人來下葬少遲則大營至矣復招呼衆皆次北山觀
望不敢來賊大聲誓曰若誑汝死刀下衆至賊下馬同下
棺封土令復去且問曰汝何姓氏答曰苟秀才遂別此人
乃河南內鄉縣庚辰進士許宸之安書翰也被賊挾從以

精兵補伍後述歸仍事其主順治七年許公由禮部郎中
外轉商洛道安白其事於許公及蒞任下學畢詳其事以
物色其人諸生曰此山陽秀才苟復也在州東鄉因述其
父守城之勇殉難之烈許公留名帖于學傳飭門斗徑請
翌日至州入謁備詢其事與人言不爽寵待之製父烈子
孝匾以旌後邑令王之牧謁許公面囑來年歲考送德行
其後以小故未果送弟苟升廩生舉介賓男克明增生
蔡光先與父會震弟光祚皆本縣庠生光先七歲母康氏
早世四事繼母皆盡孝晚母張氏生祚二齡父死先事張

氏盡孝愛弟盡友祚六歲先躬講誨祚十歲張母歿先
後延師荀卍田銘教祚更至祚以此入泮食餼初祚方十
二歲吳逆破城負祚奔避歷盡險阻祚十六歲爲祚娶妻
及祚妻亡又爲續娶竟至破產無吝容兄兼父道克體二
親心致弟成立合邑生員荀升許振新崔振基田銘等公
呈獎舉

義勇 荀日躋字泰徵山陽庠生縣被賊破遷商州崇禎
癸未十月初九日逆闖至商十二日賊杙城城兵亂奔日
躋執鑊打七賊墜城死商洛道黃領兵至見躋摧賊功

質白金五十兩躋云生員身家不保敢貪重賞力却之黃
讚聲曰商城瓦全詳院請疏賜爾功貢十五日商城破躋
與賊戰賊上城樓拋瓦傷躋左目重創猶厲聲罵賊賊衆
爭殺之

德行 蔡之俊本縣廩生仁義孝友文行兼優屢試冠軍
萬曆甲寅本縣生員羅文彩劉宇寧等公舉蒙文宗獎勵
賜匾

蔡會震之俊子光先父本縣增生順治十五年邑侯直隸
王公文昌以德行旌儒官賜匾德俊儒林今合學生員苟

升等公舉三代

義夫 王聘少年其父爲妯娌某家之女女癡默不醒人
事畢姻後翁知女蠢盛進招王子席終出四十金相贈曰
豚女不堪侍巾櫛何堪奉蒸嘗主內助乎非物聊佐小星
之資小女但糊口於尊府不至凍餒翁死目瞑矣王子堅
辭不獲婉曲受之悉以購書下帷攻苦爲名子衿闈壺之
中毫無嫌意舉一子名鳴桂字紫元入庠援監聘終身不
納妾鄉人義之後以明經仕詳選舉內

李曰棟曰每見人居平講忠孝節義事意氣激烈指天

矢日真若遠邈可再見嬰白不難爲一臨難則遺親後
君背主事讎凡可以避患偷生者無所不至彼一聞荀
氏父子之孝之勇蔡氏父子之節行王氏之義能無愧
乎

管烈 劉門用氏商州太僕卿裔孫寄學本縣生員南應
旌之女幼聰慧通經書許字本縣生員劉汝桂之子光已
受聘光氏年方十五父赴吊女堅請隨父母不能止遂
帶老僕婦同至縣女入劉門撫棺哭索衰麻變服請終喪
不歸曰此吾家也父母翁姑勸不從因留老嫗作伴而去

女朝夕上香哭所居室令築墻隔之自爲一院院中有井一口蠟梅一株梅開不令人折井水不令人汲自題一聯於門扉云梅開遇雪冰心苦井底無波月影寒自是日作針指夜紡績供一家大小衣履善事舅姑雖至親婦女亦閉戶不見面舅姑憐之與氏父母擇配氏聞泣曰我獨不能爲夏令女平遂割耳香炙其面幾死議乃寢崇禎二年三月年五十二無疾而卒邑侯萬公愛民高其行申請疏奏敕賜烈女坊商志勸神宗敕坊誤陝西學使者江南洪公翼聖看云看得婦人守志者有矣而守於未婚尤難如南氏之於

夫也鴛合未好鴈鳴獨孤室未同而同穴何所戀也生不
親而死親抑何貞也天只人只地下兩髦是我儀匪石匪
席此身九死有何惜毀耳棄形刀血洒洒光千古蓬頭獨
處斷髮條條亘兩儀逼真寒梅之操無愧潔泉之水者也
若不題請表揚何以慰幽魂礪世教乎

郭門南氏明太學生郭邦屏之妻屏卒氏方廿歲于未週
氏抱子泣柩前曰爲君撫孤誓無易志號哭累年不哀忽
有杜鵑拂其首哀啼紅血旋繞竟日乃去里人詭之有司
其實申請商洛道蘇公軋並院司匾旌之給粟米布帛其

子後入類氏以壽終三原光祿卿馬理聞之越境往拜題
詩庭壁曰喬門夫子似林宗瘞王泉臺尚壁雖賢淑清貞
心比日遺孤幼稚稍知饗鵲來有意和啼血桂萼無涯慰
烈悰豕角霜威重表節老翁得句亦題墉又白河僉事柴
懋掄詩曰教子停机苦若何葢棺猶是嫁時羅鵲來愁洒
無天血鳳去難賒挽日戈萬仞冰霜心匪石孤燈風雨淚
成河豔花流水都人士泉扃幽魂忍見廢

田門董氏生員田生芝之妻夫適商道被虎傷氏年方二
旬有子在抱聞凶哭倚親隣覓夫屍歸殮哭誓柩前曰妾

不幸遭此大變若非藐孤無依當以死狗每見夫亾未久
卽更衣事他人未嘗不切齒唾罵曰此人類而有禽獸之
行也君所熟聞今當爲君撫孤以延先人之祀苟二其心
天地鬼神共誅之自是卸鉛華安貧守志操作勤苦不少
暇逸名子曰茂迨成立有家室日益增蹙吳逆入寇移居
東榔力田養氏康熙三十二年壽六十七歲卒孀居四十
餘年無非議以貧故不能邀旌典

李日棟曰余生也晚幾經變亂每見節義著名率屬有
力者而忠孝廉介之士堅貞節烈之婦名湮沒而不彰

者皆以貧賤故言之於邑

武門魏氏順治十一年邑恩拔貢授江南滁州州判武宗
方之副室生員武奇之母氏年方十九震方故奇甫四歲
而正室亦繼亾家道蕭條饘粥不給氏自矢栢舟勤績紡
警雞鳴戒一身之溫飽延師教子康熙年間奇入類氏事
尊接卑孝慈兼盡其正室子武嚴亦邑庠生偕閭邑文武
生員許振新苟升等公舉在案

羅門邵氏生員羅星燦之妻燦英年入類屢躓棘闈年三
十二悒悒蚤世氏方二旬有餘生子廷相甫七歲氏立志

撫孤姑欲奪其志氏曰我邵氏名族世延仕宦舅氏父子
文章冠軍俱以數奇阨於科第謝世惟室家儀型清白猶
存敢不矢節以延家聲且趙氏有孤吾女流獨不知倣嬰
曰乎遂不能奪霜居近五十年壽七十二歲亾歷盡艱辛
教子成立孫繡入類合學生員許振新苟升樊希聖等公
舉在案

勇士 陳顯耀縣堂快手順治三年二月流寇劉二虎率
馬步二千自楚入商制台移都統發大兵剿之賊偵得宵
南遯邑令趙公不知虛實單騎率衙役數人往探之至上

山陽縣志卷三
三十九
橋突遇賊騎公挽馬回衆皆逃散耀獨荷戈從一騎飛逐
公以手鎗刺公中其左股墜馬賊得馬將復刺公耀挺鎗
大呼曰旣得馬勿傷人我鎗非不利也賊去耀見公不能
行負之登山匿公荒草中裹其創登高窺望賊大營且至
皆俱我兵追疾走耀覘賊盡尾僅十餘卒一騎隨來乃曳
鎗下山大呼休走刺於馬下捉馬飛走扶公騎歸後公官
浙督寄金帛以旌之令赴浙耀甘貧不赴公畀以婦生子
現存

李日棟日同一胥役衆皆鼠竄而耀獨衛主使不至於

殞命復奪其馬以歸其主救主忠也奪馬勇也求之占
人亦未易數數見君子不没人善雖胥役必謹書之

僊釋

白日昇僊劫轉成佛釋道以爲美談予樂其誕而小也
何必不僊之佛之切聞張果隱中條山又曰韓湘子亦
隱中條山中條山卽西安府之終南山也湘子卽韓湘
乃十二郎之子也祭文具在何由僊爲後人惑於異說
必僊之子亦僊之蓋湘與昌黎公之子韓果同登進士
未仕而隱人遂僊之後亦祖述而僊之所傳八僊此其
類也所傳河沙諸佛亦皆此類也予闢僊佛而紀僊佛
正所以闢之也卽余匡廬竹隱寺相傳爲周顛僊隱處

山陽縣志卷三
四一
其實竹隱何寺石壁間一隙而已可爲知者告

葛洪字稚川句容人家貧好學著撰富贍南海太守鮑佐妻以女授洪內養之術仕東晉爲句漏令有善政而好神儻尊養之法乃入商山修煉已而入羅浮山尸解殞後發棺視之惟衣而已商山卽此巖頭山也見山川

韓湘字湘子唐穆宗長慶四年中進士監於祖父謫逐之苦悠悠有世外連舉之思托言採藥浪蹟雲踪投西秦中條山而栖止焉蓋湘子之父十二郎早世湘子曾隨叔祖昌黎公任素知西秦山川之勝故長慶四年以後仍投栖

於此而其家鄧州南陽殊不知也後人見湘子於秦中遂相傳以爲僊昌黎公謫嶺外詩云知爾遠來應有意好収吾骨瘴江邊此韓湘初年曾詣西秦之一證也後湘情注此地卜菀修煉西秦丘壑無不栖止故陽邑翠屏山中猶遺湘子二洞

呂洞賓蒲州永樂鎮人唐天寶中以進士授余江州德化縣令私行廬山遇苦竹先生授高元上聖之法又遇太素真君傳太元日月之法後於終南山遇鍾離先生成金斗太乙之功號純陽子性喜崑穴故名崑宇洞賓又號回道人

人回字卽呂字也君雲遊天下一葦飛渡岳陽樓詩云三
醉岳陽人不識猛然飛過洞庭湖相傳卽飛止天竺山今
見天竺山及仙人龕

鍾馗唐武德中應舉不第觸階而死玄宗晝寢夢一小鬼
盜玉笛上叱忽有大鬼破帽藍袍角帶捉小鬼剗其目摩
而啖之上問對曰臣終南進士鍾馗也乃賜袍帶葬之今
陽邑湘子洞亦名鍾馗洞終南進士或僊遊此地

慧圓禪師唐貞觀三年杖錫來天竺山造雲蓋寺而栖止
說法獼猴傾聽岩石點頭成道坐脫百年後人見於終南

山曰余天竺山慧圓師也匡廬慧遠異世異地今同居此
見釋氏叢話

華藏禪師元至正年來天竺山授徒甚衆諳徹釋典成道
坐脫

大機禪師洪武初年率徒衆飛錫天竺山歲庚申卜隱淨
雲寺露宿不避風雨講經說法不倦能馴猛虎

無邊禪師明景泰六年來天竺山造鍊瓦佛殿願力閎大
釋氏奉爲宗門成道坐脫

超古禪師號蜀叟蜀人也

大清順治十八年投栖天竺山能消毒蛇驅猛虎鑿石藏經
風味淡然偈咏古雅清幽見藝文志

白龍祖師道號海樂西里仙人岩有海樂殿卽其修真地
黃龍祖師修養於西里尖山岩穴中能興雲致雨里人祈
禱輒應今名其洞爲黃龍洞二祖師俱見山川

上元梁淳曰仙釋之說近於不經然高人韻士及富貴
華廡晚年營菟裘者往往托之此中固大有佳處也山
陽千谿萬壑蜿蜒紆餘鷲嶺龜峯或不是過古之爲仙
釋者自應托足于此余與秦君展齒不能徧及僅搜得

仙釋如左亦考亭所云漆雕開見大意而已安能窮茲
邑仙果之勝哉

生員李春瑞曰明萬曆中黃冠林姓者隱下高山竹坪
石龕知未然且能興雲雨衆神之尤可重者訓人以忠
孝廉節勤勤儼儼又不好人學已來學者輒拒之曰當
務民義白日升天何益於世吁此殆儒者流或避世而
自潔其身耶後於

大清順治二年四月乘白龍入三鳳山古洞又數年人有見
之者問從何來曰朝玉帝來帝勅我代海樂公爲白龍

祖師里人某某昔相知者幸爲我致問其人欲從之學
道曰僊非易到惟有功德於世者乃可學汝歸孝親敬
長行善有功德吾方授汝道其人苦求之曰汝俯首吾
收汝旣俯首化清風去每旱先禱洞外許入乃入入洞
取水卽雨有取水者未請許而直入始進洞黑驚頃之
朗如霽日别一天也見二人儻然儒服奕顧曰汝來何
求曰久旱求雨日子行乎外間已雨其人叩謝出迴視
之石門闔果大雨如注其人後再去迷洞門如堯源失
路焉今禱雨者但於洞外取水此瑞昔年聞之妻外祖
王氏之說詢里人相符特呈 奎按此更不經然云忠
孝廉節行善有功德便可仙似以寓言助正說者錄之

僑寓

高賢踪蹟人每竊之然吾鄉歐陽永叔廬陵人知潁州
後於老潁之西湖有子籍於潁周濂溪河南人知南康
軍愛廬阜之勝家于潯白居易渭南人司馬於吾郡江
州已而卜築洛陽皆僑寓也卽是地四皓隱居商山按
廣輿記亦皆屬西安中流寓然則仕宦及隱逸中每多
僑寓古之高士何嘗拘拘故鄉鈞遊地耶山陽山水奇
特高人韻士托跡者多吾不能盡考但於伯什中得一
三人聊以見一斑云

山陽縣志 卷三
邵雍字堯夫謚康節其先涑水人又云范陽人遊學洛下
富弼司馬光治第留之有故人宋郎中爲商州守以書招
之極言山水之勝遂入商卜居八年聞天柱之奇秀物色
之極賞其幽異因從商守給戶帖寓居數年有詩見天柱
山後復往洛陽築安樂窩著書自娛有易辭方圓卦圖皇
極經世等書生平好遊乘小車惟意所適士大夫家爭相
迎候童稚皆驩然謂曰吾家先生至也好事者別作一室
如雍所居以待其至署曰行窩

賈島字閻仙范陽人初爲浮屠游東郡韓愈教爲文遂捨

浮屠舉進士由渭南王簿遷藍田令有政聲詩名後仍隱
豐陽之西鄙雲蓋寺中註水經嘗于京師騎馱得鳥宿池
邊樹僧推月下門句韓愈曰敲字佳因味推敲二字竟至
陸駟棟考得雲蓋寺有二一在鎮安縣西四卜里今廢一
在山陽城西里由舍峪嶺嶺脊過街樓二十里至北溝溝
中俗呼北溝寺是也今寺廢二大碑猶存焉島隱雲蓋見
名勝志但未知的在何寺卽在今鎮安之雲蓋寺其鎮安
地舊屬山陽則仍是山陽之僑寓也

羅公遠曾侍唐明皇秋宴取桂枝向空擲之爲大橋色如

白金引帝同遊月宮後埋名潛跡無意功名隱山陽之天
柱山亦見名勝志

焦讚三原人僑居山陽今馬家潭近地有焦讚古寨後裔
繼居之

王璋字伯玉原籍山西其祖遷渭南康熙年間若由四川
保寧府蒼溪縣合掛冠回見陽邑東鄙山水之勝買山卜
築蕃衍子姓焉

物產

穀

蔬

菓

花木

竹

味

藥

鳥

獸

卉

魚

虫

土附

菰米蓴菜季鷹興思故鄉風味每切幽人之想然而品

物浩繁何地蔑有故列國之鳥獸草木備陳於風詩而

熊羆狐狸篠簜橘柚與白墳黑墳之類禹貢詳焉至於

王札丹砂赤箭青芝參苓藥餌皆可以延年壽世陽邑

林巒什襲物產豈乏胡邑人智力不施棄貨於地而令

牟其利者皆外地人哉

穀類

大麥

卽牟

小麥

卽來

穰麥

大麥穰似大麥粒少肥小麥穰似小麥粒亦肥

俗呼

青稞

似大麥而皮薄又名露仁子又名米火麥

燕麥

老小二種粒細長似菰米宜山地不宜肥

苦蕎麥似甜蕎無稜夏熟味苦宜山地豌豆有青白二種種出大宛故名戎菽陝西多種以啖馬板

豆亦名扁豆又名雞豆花紅白二種白者佳以上皆夏穀 稷亦作秠有數種

糯稻亦作秠有數種可釀酒陶黍有數種秦中呼酒糜子元亮干吾柴桑多種此

稷有數種號飯黃米一名稌一名菜梁即粟谷大穗有毛者米作飯蜀秠一名高粱有酒

飯二 王蜀秠一名蕃麥一名王米薏苡一名川谷一名薏珠子米名薏米亦

名薏仁惟單川接即油麻可作油有三色亦名荏脂麻胡麻亦名巨勝入藥用黑色

白紫二色白名荏紫即紫蘇子可取油黃麻剝皮為麻作繩子可取油黃豆有黑青紫數種均名黃豆

可取油 菜豆亦有數種雜豆種色不一蕎麥麵白味甜以性不耐霜

上皆秋穀

蔬類 白菜即芥 味蘿蔔一名來服 一名紫花胡蘿蔔有紅

黃二蔓菁一名諸葛菜即詩經葑菜子取油曰菜油 菠稜一名赤根 高苣有數種 蓴菜

香芹有水陸二種 韭一種樓葱 蒜秦中多有春蒜瓣小茄有紫

白二匏即壺盧非葫蘆非 黃瓜有青白二色或以為月令之王瓜

菜瓜一名越瓜 倭瓜來自倭故名又 南瓜圓扁有瓣皮硬味劣 冬

瓜一名白瓜出山中者形小 絲瓜此地出者不長 以上園蔬 水芹水中生 竹筍

幹小不蒲筍一名蒲筍 蘆筍 萱筍三筍山中多土人不知採食 木耳 莧

有數種灰藿亦有數種 茶即苦菜 薺大小二種 藜即白蒿一 蕨菜一名

初生葉如小兒拳名拳菜四皓 釋芥菜二月採淪之 山韭更辛於家芥

似家韭 山葱 莖似王簪葉而硬 澤蒜 一名小蒜 枸杞 小條苞生以上嫩芽可食

皆山蔬

果類 桃 數種佳者少 杏 大小甘酸不一種 李 少 奈 野生 櫻朶 野生酸 蘋

婆 極佳山人多不待熟 石榴 甘酸柿不一種 栗 小而甘美 梨 棗 不甚佳 葡萄

佳核朶 佳 棠毬 小 木瓜 土豆 即少陵之黃獨 土瘻 俗呼土臙大如盃黑皮白

肉灰水煮去皮似山藥 薯蕷 即山藥極佳 芋 水陸二種苗可作蔬 蓮子 少 榛子 少 百

合 花香甚 慈菇 根一年十二枚遇閏多一枚似慈母乳故名水田多土人不食 松子 少 柿餅

花類 牡丹 芍藥 菊 多種 貼梗海棠 俗呼茶花誤也 垂絲海棠

山中最多 荷 少 剪紅羅 山中 月季 我湖邑各片川紅 石竹 山中 扁

人不知植

竹俗名老鴉扇 鴉扇 鴛尾花名紫 玫瑰 蜀葵有十餘種色 木筆卽

夷花似荷香甚 金盞卽長春花 麗春卽粟花 薔薇 茨靡 山丹 卷丹

丁香俗呼紫荊 木槿卽舜花 雞冠紅白二色 游龍卽水紅花又名蓼種多 蠟梅色黃

似蠟香幽 鳳仙俗呼指甲花 紫茉莉花形似茉莉色紫香不及

肉雪白作粉冬擦面不皺 廣東人呼胭脂粉花 茶蘼叢生而繁 秋海棠汁傷人人指亦傷花 王簪

有紫白二種 蓼花紅幹肥異野蓼

木類 松有羅漢松皮光白最佳不多 柏有千枝者叢生各叢柏最佳

隍廟古松 山陽松株寥寥而城內隍廟有古松一株孤

騫鶴立夭矯龍陛邑人婆娑其下稱為特觀

菜萸入藥此供調料味辛番椒結角似牛角生青蜜白者佳醋米作者佳

作醬俗作者少間油有芝麻油菜油酒有黃酒薄甚有燒

相逢盡是平原客從事青州却問誰小茴香 藿香

藥類 茯苓 桔梗 黃芩 柴胡 半夏 苦參 天

冬 麥冬 木通 貫衆 杜仲 五味子不及 遼東款冬花

牛蒡子 多 稀荑草 多 馬兜鈴 連翹 多 南星 猪苓 多 蒼

朮 多 紅花 桃仁 多 杏仁 多 黃精 多 芫花 白芨 香附

牡丹皮 射干 牽牛 益母草 五加皮今貨之真 非

真 五倍子 多 薏苡仁 少 括萎 多 蒼耳 多 石斛貨者多不 紫

真可益景

草 茜草 車前 篇蓄 草烏 俗呼烏藥方書台烏天台山烏藥也候用殺人

金銀花 多 五靈脂 一號 何首烏 蒲公英 地丁 澤瀉

草類 蘭 不似建蘭而香無異城東有之 鹿葱 即萱草山中多 龍瓜子 花名金灯花根名山

茨 石菖蒲 根一寸九節山溪中多 蘆 俗呼葛山中最多無人採製作布者 菅 一名芭芒

俗訛作茅 即楚貢之包茅葉有 伯王管 艾 劍脊根作炒麪可食 交門冬 葉作盆景冬夏青 泥菖蒲

即出蒲捶者可取蒲黃 艾 木棉 可作布備衣裳子可取油 荻 角蒿 青蒿

黃花蒿 落帚

鳥類 雞 鴨 鴿 鴻 鴈 錦雞 一名鷺雉見周禮五冕之一一名鷓

鷓見晉史侍中之冠五文不與他鳥同赤如硃砂綠似銅綠黃如金白似粉黑似漆但不能生捕必以捕雞養之

白鵬 通身雪白頂下黑至胸背上如細墨筆面紋紅嘴紅

潮至 鵠雉 俗呼化雞不知何化字形如鵬土色白黑斑

鳩 鳴鳩 即布穀一名郭公鳥 山雉 多鶯少鵲多鳥

純黑色多 鴉 項鵲 一名畢居雀 以色各麻雀以常在階除

黃雀 小子瓦燕有二 鵠 鷹 鵬 皂色而大 鳶 即老鵞頭

白絲 賜 即伯勞純黑色形小於鳩好擊搏群鳥皆怕四月

不义去矣 一名博勞左氏 鵞 一名寒號虫夜鳴求旦之

硬羽千里之遠打食一處拋糞必在山崖人 鵬 山人名黨

不到之處各五靈脂採者一得則數十斤 鵬 猴冒黎作

訓狐其首如 鵠 亦作鵞大于鵞鳴聲如 鵞 一名駕人養之

啄木

二種 鷲即禿鷲

山鵲

一名鷲紅嘴脚灰青色長尾有白尖稍

蠟嘴

養之易馴嘴如黃蠟

西眉

好音希人眉白長如回山人不知養

鸛

蝙蝠

一名仙鼠其矢即夜明砂

八哥

少

獸類

馬

騾

驢

牛

水牛

猪

羊

犬

二種用犬守犬

猶

虎

極多余欲教以善捕法

豹

熊

麋

一名馬鹿以尾長故名山人以鹿為麋鹿以麋

為馬鹿馬鹿陰獸也冬至角解

鹿

陽獸也夏至則角解

獐

麝

似獐而小其臍有香俗以為耶誤矣

兔

猴

獺

毫彘

亦名毫猪渾身二寸長雌尖利尾長尺許繫土一行長五寸若笄能低頭

拱項以射人中衣而止見虎則體縮而毛立行則如甲响

野猪

野羊

野猫

豺

豸

狼

清初最多順治五年忽然絕跡

鼠

鼯

俗呼鼠狼以食鼠名

黃腰狸

竹

鼯

竹園中穴地居惟食竹根門牙如四木鑿肉最肥美

守宮

即蠍虎

蜥蜴

似守宮稍大在野地

蠅

蚊

虻蟬

夏秋數種

蜻蜓

二種

螂

白人呼疾子

胡蝶

數種

鼠婦

宵行

螢

蝨斯

守瓜

辟

風蚤

附土

紅土

白土

藍土

禹貢徐州間出五色上此亦出三色土國家作繪又此土

山土石相雜如大造冶鑄和之却非土亦非石求一石之可刻鏤者遠不可致

卷三終

